



UNIVERSITÄTS-  
BIBLIOTHEK  
PADERBORN

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Quomodo misturæ pondus inuestigari debeat. Cap. XIX.

---

[urn:nbn:de:hbz:466:1-70772](https://nbn-resolving.de/urn:nbn:de:hbz:466:1-70772)

*Quomodo misturæ pondus inuestigari debeat.*

C A P. XIX.

EST quoq; animaduertendum maximè, vt recta mi-  
sturæ dosis percipiatur, ponderumq; ratio reperiat-  
tur, quod operationum bonitas rerum omnium, non  
nisi in optima proportione, ac recta harmonia est. Nec  
præbebunt misturæ, quos pollicentur effectus, nisi o-  
mnibus sint numeris absolutæ: vnde nō tam in eorum  
misionibus, quam per se priscos illos semper vti con-  
sueisse comperiemus, nil nisi eorum delectu, & pon-  
dere, & sic experientia comprobata, nobis conscripta.  
Igitur maximam tu qui his operam impendis primum  
simplicis medicinæ pondus reperias, quantum res fe-  
rat, secundum quæsitæ rei proportionis imaginatio-  
nen, & tecum finge medicamen illud ex quibuslibet  
componentium, respiciendo qua se habeat ad totum  
proportionem: in toto enim ea esse debet, & quæ in par-  
tibus reperitur, & si plus suę dosis positum esse reperies,  
habitis componentibus à toto id abstrahatur. Sic iam  
scito pondere, profundamento illud statuatur, & tan-  
tum alijs ponderibus subsistat, & ab eo remoueatur  
quantum inde alijs secum mistis complexæ suæ æqui,  
valeat dosi, quum plures res medicamentum subin-  
gredi oporteat, & ea ex operantis conjectura perci-  
piantur; sic de composita mistura nunquam illud des,  
quod dosim excedat, etiam si simplex esset in virtute.  
Sed computatis gradibus omnibus non in quantitate  
maior vel virtute esse debet, vt diuersam habeat qual-  
itatem, virtutemq; nam eam nō addimus, vt dosim au-  
geamus, sed vt facilius opus expediat. Est id quoq; præ-  
cipue animaduersione dignum, sic in misturis, & medi-  
caminibus ponderum proportionem variare debere,  
vti & regiones, & climata diuersa fiunt, nam & operan-  
do diuersam nanciscuntur virtutem: ibi enim viuidius,  
hic autem remissius operatur, vti monuimus. Tu æqua-  
mente librato & secundum simplicium operationem,  
ponderum ratio mutetur, demendo, adiungendo, & tui  
ingenij solertia accommodando, vt illud operentur,

quod querimus. Id autem in nostro opere ratione optimæ sepiissimè usi sumus in experimentorum descriptione, per partes pondera describendo: nec temere, & ut facilius percipientur, quia fortasse diuersa ponderum nomina, quæ ab alijs obseruari vidimus, artificem ab operatione impedirent, atque ut quisque quæsita, & optata quantitate vriatur, ijsdemque vidimus Cornelium Celsum usum fuisse: sic enim accommodatius omnibus satis est factum.

*De simplicium preparationibus. CAP. XX.*

C O M P O N E R E iam & pondus inuestigare docui-  
mus, superest præparationes simplicium quasdam  
enarrare, quæ operi accommodatæ, & necessariæ visæ  
sunt maximè, longeque reliquis maioris artificij. Nec  
tam in simplicibus operationes cōsistunt, quam in eo-  
rum præparationibus, sine quibus parum, aut nihil o-  
perabuntur. Simplicia igitur plurimis quidem artificijs  
præparari solent, ut usi aptiora, commodioraque sint.  
Quæ præcipue nobis usu frequentiores, sunt matura-  
tio, elixatio, combustio, in calcem reductio, incineratio,  
distillatio, arefactio, & ijs consimiles. Tunc enim ali-  
quid maceramus, quum humore aliquo immergimus,  
vt tam interius, quam exterius res madescat, & macere-  
tur, vt diximus, & subtilior pars in expressione elicia-  
tur, & terrestris relinquatur, vt quæsitus humorem in  
meditullio recipiat. Elixamus autem tunc, quum suc-  
cuss ex aliquo non possit euocari: nam elixando à cen-  
tro ad circumferentiam extrahimus, ybi maceratione,  
vel infusione non euenit; ipsa tamen tenues resoluit va-  
pores. Sic adustione, torrefactione, & in calcem redu-  
ctione vtimur, vt partes penitus humore priuemus o-  
mni, quod euenit, quum in calcem reducimus, ut faci-  
lius resoluantur, vel in liquorem vertantur, alijsque re-  
bus immisceantur. Sic torrefacimus, quum res conteri  
nequeunt, vt in puluerem vertantur, id animaduerten-  
do ne res comburatur, & combusta quæsitas amittat  
vires, & assetur, vt tenuitatem recipiat. Res, vel simpli-  
cia distillantur, & ut potentioris virtutis eliciatur aqua,  
quod